



«02» նոյեմբերի 2023 թ.

ք. Վանաձոր

ՈՐՈՇՈՒՄ N 1774

ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ

ՀՀ առողջապահական և աշխատանքի տեսչական մարմնի (այսուհետ՝ Տեսչական մարմին) հյուսիսային տարածքային կենտրոնի պետ Արման Ոսկանյանս, ուսումնասիրելով.

- 1) ՀՀ պետական եկամուտների կոմիտեի թիվ 01/70-16/58699-2023 գրությունը՝ մուտքագրված Տեսչական մարմին 2023 թվականի սեպտեմբերի 29-ին թիվ Մ-10943-2023 համարով,
- 2) վարչական վարույթ հարուցելու մասին Տեսչական մարմնի ղեկավարի 2023 թվականի հոկտեմբերի 02-ի թիվ ՎՎ-2395-Ա հրամանը,
- 3) 2023 թվականի հոկտեմբերի 04-ի բացատրությունը,
- 4) 2023 թվականի հոկտեմբերի 06-ի թիվ 17/22042-2023 ծանուցագիրը,
- 5) 2023 թվականի հոկտեմբերի 18-ի վարչական իրավախախտման վերաբերյալ թիվ 1785 արձանագրությունը,
- 6) վարչական իրավախախտման վերաբերյալ գործի քննությանը մասնակցելու վերաբերյալ 2023 թվականի հոկտեմբերի 17-ի թիվ 17/22754-2023 ծանուցագիրը.

Պարզեցի

1. Նկարագրական մաս

Հիմք ընդունելով «Վարչարարության հիմունքների և վարչական վարույթի մասին» ՀՀ օրենքի 30-րդ հոդվածի 1-ին մասի «բ» կետը և հաշվի առնելով ՀՀ



պետական եկամուտների կոմիտեի թիվ 01/70-16/58699-2023 գրությունը՝ մուտքագրված Տեսչական մարմին 2023 թվականի սեպտեմբերի 29-ին թիվ Մ-10943-2023 համարով, Տեսչական մարմնում 2023 թվականի հոկտեմբերի 02-ին հարուցվել է թիվ 021023-2366 վարչական վարույթը:

«ԿԱՐԵՆ ԳՈԳՅԱՆ ԳԵՈՐԳԻԻ» անհատ ձեռնարկատիրոջ կողմից ներկայացրած փաստաթղթերի ուսումնասիրությամբ և Կարեն Գոգյանից վերցված բացատրությամբ պարզվել է, որ վարորդ Ավագ Սամվելի Մկրտչյանը 2023 թվականի հունիսի 01-ից մինչև 2023 թվականի հունիսի 19-ը «ԿԱՐԵՆ ԳՈԳՅԱՆ ԳԵՈՐԳԻԻ» անհատ ձեռնարկատիրոջ մոտ աշխատել է առանց աշխատանքային օրենսդրությամբ սահմանված կարգով կնքված գրավոր աշխատանքային պայմանագրի կամ աշխատանքի ընդունման մասին անհատական իրավական ակտի:

Հիմք ընդունելով Վարչական իրավախախտումների վերաբերյալ ՀՀ օրենսգրքի 255-րդ հոդվածը, 2023 թվականի հոկտեմբերի 17-ին կազմվել է թիվ 1785 վարչական իրավախախտման վերաբերյալ արձանագրությունը, որը 2023 թվականի հոկտեմբերի 17-ի թիվ 17/22754-2023 վարչական իրավախախտումների վերաբերյալ գործի քննության ծանուցագրի հետ միասին 2023 թվականի հոկտեմբերի 19-ին առձեռն ստորագրությամբ հանձնվել է Կարեն Գոգյանին:

2. Պատճառաբանական մաս

Վարչական մարմինը հաստատված է համարում, որ վարորդ Ավագ Սամվելի Մկրտչյանը 2023 թվականի հունիսի 01-ից մինչև 2023 թվականի հունիսի 19-ը «ԿԱՐԵՆ ԳՈԳՅԱՆ ԳԵՈՐԳԻԻ» անհատ ձեռնարկատիրոջ մոտ աշխատել է առանց աշխատանքային օրենսդրությամբ սահմանված կարգով կնքված գրավոր աշխատանքային պայմանագրի կամ աշխատանքի ընդունման մասին անհատական իրավական ակտի, իսկ ՀՀ աշխատանքային օրենսգրքի 102-րդ հոդվածի 1-ին մասի համաձայն՝ այն աշխատանքը, որն իրականացվում է առանց աշխատանքային օրենսդրությամբ սահմանված կարգով կնքված գրավոր աշխատանքային պայմանագրի կամ աշխատանքի ընդունման մասին անհատական իրավական ակտի, համարվում է անօրինական աշխատանք:

2023 թվականի նոյեմբերի 02-ին Տեսչական մարմնի հյուսիսային տարածքային կենտրոնում տեղի է ունեցել վարչական իրավախախտումների վերաբերյալ գործի քննությունը, որն իրականացրել է Տեսչական մարմնի հյուսիսային տարածքային կենտրոնի պետ Արման Ոսկանյանը: Կարեն Գոգյանը պատշաճ կերպով իրազեկվել է գործի քննության կայացման տեղի և ժամանակի մասին, չի ներկայացրել միջնորդություն գործի քննության օրը և ժամը տեղափոխելու վերաբերյալ և չի ներկայացրել գործի քննությանը:

Վարչական իրավախախտումների վերաբերյալ ՀՀ օրենսգրքի 267-րդ հոդվածի համաձայն՝ վարչական իրավախախտման վերաբերյալ գործը քննվում է վարչական պատասխանատվության ենթարկվող անձի ներկայությամբ: Գործը կարող է այդ անձի բացակայությամբ քննվել միայն այն դեպքերում, երբ տվյալներ կան գործի քննության տեղի և ժամանակի մասին նրան ժամանակին ծանուցելու վերաբերյալ և եթե նրանից միջնորդություն չի ստացվել գործի քննությունը հետաձգելու մասին:

Վարչական իրավախախտումների վերաբերյալ գործի քննության արդյունքում վարչական մարմինը, քննելով գործում առկա բոլոր փաստական հանգամանքները, հաստատված է համարում, որ կատարվել է վարչական իրավախախտում, որի համար պատասխանատու է Կարեն Գոգյանը (ՀՀ, Լոռու մարզ, համայնք Վանաձոր, Տերյան փողոց, շենք 14բ, բնակարան 31):

Վերջինիս կողմից վարչական իրավախախտում կատարելու մեջ առկա չեն Վարչական իրավախախտումների վերաբերյալ ՀՀ օրենսգրքի 33-րդ և 34-րդ հոդվածներով սահմանված վարչական պատասխանատվությունը մեղմացնող կամ ծանրացնող հանգամանքներ:

Վարչական իրավախախտումների վերաբերյալ ՀՀ օրենսգրքի 9-րդ հոդվածի համաձայն՝ վարչական իրավախախտում (զանցանք) է համարվում պետական կամ հասարակական կարգի, սեփականության, քաղաքացիների իրավունքների և ազատությունների, կառավարման սահմանված կարգի դեմ ունեցվող հակաիրավական, մեղավոր (դիտավորյալ կամ անզգույշ) այնպիսի գործողությունը կամ անգործությունը, որի համար օրենսդրությամբ նախատեսված է վարչական պատասխանատվություն: Նշված իրավանորմից հետևում է, որ օրենսդիրը

վարչական իրավախախտման առկայության հիմքում դրել է մեղքի առկայությունը, որը կարող է դրսևորվել դիտավորությամբ կամ անզգուշությամբ:

Վարչական մարմինը գտնում է, որ Կարեն Գոգյանի կողմից իրավախախտումը կատարվել է դիտավորությամբ:

Վարչական իրավախախտումների վերաբերյալ ՀՀ օրենսգրքի 10-րդ հոդվածի համաձայն՝ վարչական իրավախախտումը համարվում է դիտավորությամբ կատարված, եթե այն կատարող անձը գիտակցել է իր գործողության կամ անգործության հակաիրավական բնույթը, կանխատեսել է դրա վնասակար հետևանքները և ցանկացել դրանք, կամ գիտակցաբար թույլ է տվել այդ հետևանքների առաջացումը:

Կարեն Գոգյանը ՀՀ օրենսդրությամբ սահմանված կարգով իրականացնում է կազմակերպչական ու կառավարչական (ղեկավար) գործառույթներ, քաղաքացիաիրավական և վարչաիրավական հարաբերություններում հանդես է գալիս որպես անհատ ձեռնարկատեր և որակվում որպես պաշտոնատար անձ:

Վարչական իրավախախտումների վերաբերյալ ՀՀ օրենսգրքի 169⁵-րդ հոդվածի 1-ին մասի համաձայն՝ առանց Հայաստանի Հանրապետության օրենսդրությամբ նախատեսված աշխատանքի ընդունման պահանջները բավարարող աշխատանքային պայմանագրի աշխատող պահելն առաջացնում է տուգանքի նշանակում խախտում թույլ տված անձի նկատմամբ՝ սահմանված նվազագույն աշխատավարձի հիսնապատիկի չափով՝ խախտման յուրաքանչյուր դեպքի համար:

3. Եզրափակիչ մաս

Ղեկավարվելով Վարչական իրավախախտումների վերաբերյալ ՀՀ օրենսգրքի 230-րդ, 279-րդ, 281-րդ, 283-րդ հոդվածներով և 282-րդ հոդվածի 1-ին մասով՝

Որոշեցի

1. Կարեն Գոգյանին (նույնականացման քարտ՝ 004337820, տրված՝ 03.10.2014թ., 018-ի կողմից)՝ որպես խախտում թույլ տված անձի, Վարչական իրավախախտումների վերաբերյալ ՀՀ օրենսգրքի 169⁵-րդ հոդվածի 1-ին մասով

ենթարկել վարչական տույժի՝ սահմանված նվազագույն աշխատավարձի հիսնապատիկի չափով՝ 50000 (հիսուն հազար) ՀՀ դրամ վարչական տուգանքի:

2. Սույն որոշումը ծանուցել Կարեն Գոգյանին (ՀՀ, Լոռու մարզ, համայնք Վանաձոր, Տերյան փողոց, շենք 14բ, բնակարան 31):

3. Սույն վարչական ակտն ուժի մեջ է մտնում վարչական ակտի հասցեատիրոջը իրազեկելուն հաջորդող օրվանից:

4. Սույն որոշումը ստանալու օրվանից 30 օրվա ընթացքում, կարող է բողոքարկվել ակտն ընդունած Տեսչական մարմին, կամ ՀՀ վարչական դատավարության օրենսգրքի 72-րդ հոդվածով սահմանված ժամկետում՝ ՀՀ վարչական դատարան:

5. Իրերի և փաստաթղթերի հարցը լուծվել է:

ՀՅՈՒՄԻՍԱՅԻՆ ՏԱՐԱԾՔԱՅԻՆ
ԿԵՆՏՐՈՆԻ ՊԵՏ՝



ԱՐՄԱՆ ՈՍԿԱՆՅԱՆ

2023 թվականի նոյեմբերի 02

Վանաձոր

Ինձ բացատրվել է, որ համաձայն Վարչական իրավախախտումների վերաբերյալ ՀՀ օրենսգրքի 305-րդ հոդվածի 1-ին մասի, տուգանքը պետք է վճարվի տուգանք նշանակելու մասին որոշումը հանձնելու օրվանից ոչ ուշ, քան տասնհինգ օրվա ընթացքում, իսկ այդ որոշումը գանգատարկելու կամ բողոքարկելու դեպքում՝ գանգատը կամ բողոքը առանց բավարարման թողնելու մասին ծանուցման օրվանից ոչ ուշ, քան տասնհինգ օրվա ընթացքում:

Ծանոթություն՝

Իրավախախտման համար կիրառվող տուգանքի վճարման պետքյուջեի հաշվի համարը՝ ՀՀ առողջապահական և աշխատանքի տեսչական մարմնի կողմից իրավախախտումների համար կիրառվող տուգանքների և պատժամիջոցների մուտքեր N900005024097:

Որոշումը ստացա

(անունը, հայրանունը, ազգանունը, պաշտոնը, ամսաթիվը)

Որոշումը ստանալուց և ստորագրելուց հրաժարվելու մասին նշում

Նշում որոշումը պատվիրված փոստով ուղարկելու և ստանալու ծանուցման մասին

(ուղարկելու ամսաթիվը, փոստային առաքանու համարը, փոստային առաքանին հասցեատիրոջը հանձնելու վերաբերյալ
ծանուցագրի համարը)



ՀՀ ԱՊՐԱՆՈՒԹՅԱՆ ԵՎ ԱՇԽԱՏԱՆՔԻ
ՏԵԿՆԱԿԱՆ ՍԵՐՎԻՍ
HEALTH AND LABOR INSPECTION BODY
OF THE REPUBLIC OF ARMENIA

0047 ՀՀ, ք. Երևան, Նորք-Մարաշ, Ա. Արմենակյան 129
Հեռ. (374-10) 65-05-53 Էլ. փոստ՝ info@hlib.am
www.hlib.am
Թեժ գիծ՝ 8107